

Gvangjsih Minzczu Bau

Cawjguenj: Gvangjsih Bouxcuengh Swcigh Minzczu Cunghgyau Swvu Veijyenzei

Cawjbanh: Gvangjsih Minzczu Bause

Geiz neix 8 banj

广西民族报 Aenhauh okbanj: CN45-0036

B.2025

Nd.5 Ng.28

Liggaeuq ietceih nienz ndwenngux co' ngeih Geizsoq: Gungh daih 3670 geiz

Gvangjsih Banh Bouxguhhong Lajmbanj "Couqmaenh" Saedguh Doxgyau Hozdung

Mboengqneix, geiz daihngaih gak cuz vunzlai couqmaenh gij eiqsik Cunghvaz Minzczu ranz vunz ndeu doxgyau saedguh hozdung youq Nanzningz banh, hozdung dwg Swcigh Minzczunghvej cawjbanh, Gvangjsih gak aen si laeb gih, yienh (si, gih) 50 lai bouxguhhong lajmbanj camgya.

Hozdung miz hwnjdanz gangj caeuq daengz dieg yawjngonz gaujcaz song loh. Hopheux hwnqguh aen gih guhyiengh "couqmaenh", hong cauhlaeb minzczu doxgiet baenaj

doengh gij neiyungz neix laeb dangzgoq cienmonz, lauxhangz hwnj-dangz gangj hong cauhlaeb minzczu doxgiet baenaj mizgven cwngecw caeuq gij vwndiz youqgaenj hoj rox, caeuq gyoengq bouxguhhong lajmbanj doxgyau, doxlnh caeuq doxyaeng.

Mwh bae yawjngonz gaujcaz, gyoengq bouxguhhong lajmbanj bae daengz dieggiek guhyiengh makdumh Gvangjsih Cenhyi Nungzyez Youjhan Gunghsw, hag ndaem makdumh, canjyiez yozsuz gohyenz doxyungz caeuq biucinjvaq, hawciengzvaq

guenjguh doengj gij dinfwngz neix; bae daengz Nanzningz Si Siyanghdanz Gih Sizbu Gaihdau Cunghlienz Cunh, Ganjlanjbauj Lozyenz, aen cotsim majdau Dahyinh Bingzluz, dieg anqceiq caetleix Lingzsanh Yen Ginhcouh Si doengj gij dieg neix, hag' aeu gaiq gingniemh mizyung h ceihleix lajmbanj, cauhlaeb minzczu doxgiet baenaj caeuq doihaeuj saenqhwng lajmbanj.

Gyoengq bouxguhhong lajmbanj cungj naeuz, yaek aeu gij hag ndaej bae guh ndei hong lajmbanj, ciuq saed

dingh geiq damqra diuzroen hwnghat hab bonjdieg saedsaeh, caen hawj vunzlai lai roxnyinh ndaejdaengz caeuq roxnyinh vuenyungz.

Ciuq cam rox, Swcigh Minzczunghvej yaek laebdaeb gyalai vunz caeuqfaenh gak cuz vunzlai "couqmaenh" doxgyau saedguh hozdung, doinyoengx guhbaenz "ganq boux ndeu, daiq gyoengq ndeu, naznangq rangh ndeu", sonyinx gak cuz vunzlai lai caeuqfaenh hwnqguh aen gih guhyiengh "couqmaenh".
(Vangz Yigiz Vangz Yijinh)



Yungzanh: Yaek Daengz Ngux Nyied Co' ngux Guh Yienghsaeh Minzsuz Vwnzva

5 nyied 24 hauh youq Yungzanh Yen Gai Gizluz, gyoengqvunz cingq guh yienghsaeh minzsuz vwnzva. Yaek daengz ngux nyied co' ngux, aen yienh neix doengqvaq guh faengx, guh daehhom, doxdax ruzlungz gwnz deih doengh gij saeh neix, hawj caezgya roxnyinh gij yinxdaeuz ngoenziet, doinyoengx minzczu vwnzva lai doxgyau, lai couqmaenh gij eiqsik Cunghvaz Minzczu ranz vunz ndeu. Ndaw doz dwg bohranz caeuq lwgnyez bae sawq guh faengx.

(Cinz Ginghoz ingj)

Dunghlanz: Vwnzva Saekhoengz Nyinh Henzguk Doxgiet Caez Veh Luenzcaemhsim

Geij bi neix daeuj, Dunghlanz Yen haeujlaeg saedhengz gij swhsiengj youqgaenj gyaak caeuq gajndeih hong minzczu Siz Ginbingz cungjsuhgi, cauhlaeb "dieggiek saekhoengz + yenzgiu hagsib saedguh + saekhoengz lijyouz doxyungz" lai guh vwnzva saekhoengz nyinh henzguk, doinyoengx gihiyinh saekhoengz yungzhaeuj hwnqguh Cunghvaz Minzczu ranz vunz ndeu bae.

Hwnjmbaek dajcauh dieggiek saekhoengz. Dunghlanz aeu 45 dieg dieggaeuq gwzming dajcauh baenz dieggiek son' gyaug minzczu doxgiet gaep swcigh, gaep guekgya, Veiz Bazginz Geiqniemhguenj, Suen Vwnzva Yinghyungz Mbanjcuengh

faenbied ndaej ancoh baenz dieggiek guhyiengh son' gyaug aigoz cujyi daengx guek caeuq dieggiek son- gyaug minzczu doxgiet baenaj daengx guek. Haifat 704 monz goq daezcaiz saekhoengz, aeu couqmaenh gij eiqsik Cunghvaz Minzczu ranz vunz ndeu gvihaeuj goq aeu hag bae; laebhwnj aen gihei cienzboq sam gaep "cingsaenz gejmax-cauh gyaciz-comz doxrox", daezlien gij minzczu bingzdaengj caeuq doxgiet lijlan Veiz Bazginz mwh guh gwzming faen reihnaz naeuz haenx, gyalai nyinhdoengz Cunghvaz Minzczu.

Cauhmoq haiguh yenzgiu hagsib saedguh. Baengh dieggiek son' gyaug

saekhoengz guh dangzgoq iq, yenzgiu hagsib saekhoengz daengj. Guhbaenz gij binjbaiz "dieggiek saekhoengz + dangzgoq yenzgiu hagsib + yingjsi cozbij". "Dwng Siujbingz sei q hauej Dunghlanz, haj doh Dahhoengz" riengz rizdin vunzhung byaij baenz dangz miz daegsaek yenzgiu hagsib saekhoengz. Heiq go minzczu 《Gobaz》 yung h Fwenleuz Bouxcuengh caeuq go daihneix doxyungz yienj okdaeuj, doinyoengx gij swhyenz saekhoengz ndaej cienj coh son' gyaug minzczu doxgiet, hawj gak cuz bouxminz lailai roxyiuj caemhcai dazmaenh "haj aen nyinhdoengz".

Lai doinyoengx saekhoengz lijyouz doxyungz. Geij bi neix daeuj,

Veiz Bazginz Geiqniemhguenj, Suen Vwnzva Yinghyungz Mbanjcuengh daengj dieggiek son' gyaug saekhoengz caeuq Gamjlezningz daengj dieggingj baeyouz saekhoengz baenz aen dieg youqgaenj gak minzczu doxgyau doxdoeng. Bi 2011 doxdaeuj, Dunghlanz Yen gungh ciepdaih daengx guek gak cuz ganbu vunzlai 917.35 fanh vunzbaez, doengqvaq lai yiengh guh son' gyaug gwzming conzdungj; aen yienh neix ndaej bingz baenz "Cungguek saekhoengz deihbiu", caemhcai senjhaeuj Gvangjsih bi 2022 saekhoengz lijyouz doxyungz hwnghat sawqdiemj danhvei.

(Vangz Haujyungj)